

prædicabitis. Suis ille legibus atque institutis sanctam hanc Civitatem, suam nimirum Ecclesiam, condidit ac communivit. Sux fidei tanquam depositum castè pièque custodiendum huic tradidit. Sux doctrinæ ac veritatis hanc esse voluit firmissimum munimentum, adversus quam portæ inferi nunquam prævalerent. Nos igitur, Venerabiles Fratres! Civitatis sanctæ Præsides ac Vigiles, hanc ejusdem Conditoris Domini ac Magistri Nostri legum, ac fidei præclarissimam hæreditatem Nobis per Majores Nostros integerrimè traditam diligenter tueamur, ac ad Posteror nostros puram atque incolumem transmittamus. Ad hanc in sacris Litteris acceptam normam facta & consilia Nostra omnia dirigentes, præterea Patrum Nostrorum certissimis inhærentes vestigiis instructissimos Nos futuros putemus ad omnes vitandas offensiones, quæ Christiani Populi fidem debilitare possint ac infringere, atque Ecclesiæ unitatem ullâ ex parte dissolvere. Ab illis Divinæ Sapientiæ fontibus, scripta scilicet, traditæque doctrina, quæcunque sive ad credendum, sive ad agendum requiruntur, tantummodò hauriamus.

In gemino enim hoc locupletissimo veritatis ac virtutis omnis instrumento, quæcunque ad Religionis cultum, ad morum disciplinam, rectèque vivendi institutionem pertinent. Hinc Mysteriorum altitudinem, hinc pietatis, honestatis, justitiæ, humanitatis officia ediscimus. Quid Deo, quid Patriæ, quid Civibus, quid cæteris hominibus debeamus, intelligimus. Undè nullis præclariùs, quàm his veræ Religionis legibus Civium etiam ac Societatum jura stabilita esse cognoscimus. Ac propterea nemo ferè unquam Divinis Christi sanctionibus bellum intulit, quin idem continuò, quantum in se est, Populorum tranquillitatem perturbârit, Regum obsequium detrectârit, infesta ac incerta omnia fecerit. Magna est enim inter Divinæ ac humanæ potestatis jura conjunctio; ac proinde qui Christianæ Legis autoritate Regum imperia munita esse nōrunt, alacri animo iisdem obtemperant, verentur potentiam, dignitatem observant & colunt.

Atque hanc quidem Divinarum Præscriptionum partem non minùs cum Populorum tranquillitate, quàm cum animarum salutè conjunctissimam considerantes